


Namminersorlutik Oqartussani kommuninilu atorfillit

2021-mi pisortaqaqarfinni piffissaq tamakkerlugu suliffillit 11.297-iupput. Namminersorlutik Oqartussani piffissaq tamakkerlugu suliffillit 4.176-iusut kommunini piffissaq tamakkerlugu suliffillit 7.103-usimapput.

Piffissaq tamakkerlugu sulisarneq atorfillit akunnerit suliffigisimasaat malillugit naatsorsoqqitaapput. Piffissap ilaannaanut atorfillit imaluunniit akunnialunnguani sulisimasut sulinerisa sivissusasaat malillugu naatsorsorneqarput.

Kisitsisitigut paasissutissat pisortat akissarsialerivianni AKISSARSIAT-ni nalunaarsuutit tunngavigalugit suliarineqarput.

Titartagaq 1. Kommunini aammalu Namminersorlutik Oqartussani piffissaq tamakkerlugu suliffillit



Najoqqutaq: <https://bank.stat.gl/ofnoa2>

Akissarsititsisarneq

Sulisut qaammammusialinnut akunnermusialinnullu naatsorsorneqarput. 2021-mi 7.507-it qaammammusialittut suliffeqarput 3.772-illu akunnermusialittut sulisimallutik.

Tabel 1. Piffissaq tamakkerlugu suliffillit, akissarsititsisarneq malillugu

	2020		2021	
	Amerlassusaat	Allannguut	Allannguut	Pct.
Katillugit	11.066	11.279	213	1,9
Qaammammusiallit	7.385	7.507	122	1,7
Akunermusiallit	3.681	3.772	91	2,5

Najoqqutaq: <https://bank.stat.gl/ofnoa2>

Isumaqatigiissutinut agguanneqarneq


Pisortani atorfillit amerlanersaat isumaqatigiissutit malillugit akissarsiaqarput. Akissarsialerivimmi isumaqatigiissutit malillugit sulisut nalunaarsorneqarsimapput. Kisitsisillu kisitsisaataasivimmi nassaarineqarsinnaapput: <https://bank.stat.gl/ofnoa5>.

2021-mittaaq tjenestemanditut assigisaanilluunniit isumaqatigiissutit malillugit atorfinitsinneqarsimasut ukiumut siulianut sanilliullugit ikileriarsimapput. 2021-mi ikileriaat 2020-mut sanilliullugu piffissaq tamakkerlugu suliffilinnik 35-nik amerlassuseqarpoq.

Piffissaq tamakkerlugu suliffillit najugaqarfiit malillugit

2021-mi Nuummi piffissaq tamakkerlugu suliffillit 4.033-upput, taakkunanga 2.346-t Namminersorlutik Oqartussani atorfinitsinneqarsimapput 1.687-illu kommunimi atorfinitsinneqarsimallutik. Ittoqqortoormiini piffissaq tamakkerlugu sulisartut katillugit 82-iupput, taakkunanga 6-it Namminersorlutik Oqartussani 76-illu kommunimi.

Titartagaq 2. 2021-mi piffissaq tamakkerlugu suliffillit, najugaqarfik suliaqarfillu malillugit



Najoqutaq: <https://bank.stat.gl/ofnoa6>

Pisortani atorfillit amerlassusaat

2021-mi katillugit 18.909-t piffissami sivikinnerusumi sivisunerusumiluunniit Namminersorlutik Oqartussani kommuninilu sulisimapput. Sulisoq naatsorsuutini ilanngunneqarpoq qaammammi ataasiinnarmi, kvartalimi imaluunniit ukioq naallugu sulisimanera apeqqutaatinnagu. Sulisoq piffissami naatsorsuiffiusumi atorfinni assigiinngitsuni arlalinni atorfeqarsimasinnaavoq. Taamatuttaaq sulisunut tamanut naatsorsuutini inuit amerlassusaat suliaqarfinnut ataasiakkaanut agguataarinermut naatsorsuutitut naleqqiullugit ikinnerupput. Sulisut amerlassusaannut naatsorsuutit atorfinni piffissamik qanoq annertutigisumik atuisimanermut attuumassuteqanngilaq, tamanna piffissaq tamakkerlugu sulisuunermut naatsorsorneqarpoq.

Tabel 2. Atorfillit, suliaqarfik malillugu

	2020		2021	
	Amerlassusaat	Allannguut	Pct.	
Katillugit	18.691	18.909	218	1,2
Namminersorlutik Oqartussat	7.444	7.576	132	1,8
Kommunit	13.005	13.123	118	0,9

Najoqqutaq: <https://bank.stat.gl/ofnoa2>

Periaaseq

Naatsorsuutini siunertaavoq Namminersorlutik Oqartussani kommuninilu sulisut annertunerusumik erseqqissarneqarnissaat. Namminersorlutik Oqartussat suliffeqarfiutaat ilaangillat. Naatsorsuutit Namminersorlutik Oqartussanut kommuninullu tallimanut ataatsimut immikkullu suliarineqarput.

Piffissaq tamakkerlugu sulisut (ukiumut nalunaarsuutit nalingi) aammalu sulisut amerlassusaat uuttuutitut atorineqarput. Piffissaq tamakkerlugu sulisarneq atorfillit akunnerit suliffigisimasaat malillugit naatsorsoqqitaapput. Piffissap ilaannaanut atorfillit imaluunniit akunnialunnguani sulisimasut sulinerisa sivirususaat malillugu naatsorsorneqarput.

Pisortani atorfilinnut naatsorsuutininut pisortat akissarsialeriviat najoqqutarineqarpoq. Naatsorsuineq ukiumoortumik piffissalernerarpoq, piffissarlu tamakkerlugu sulisut taakkulu amerlassusaat uuttuutitut atorineqarput.

Kisitsisitigut paasissutissani matumani sulisut akissarsiaat pisortat naatsorsuutaanni akissarsianut aningaasartuutitut naatsorsorneqarsimasunit allaanerupput. Assigiinngissutit annertunerusumik uani nassuiarneqarput. Akissarsiat ilaat naatsorsuutiniittut aningaasarsianik sulianut ilaangillat. Kalaallit Nunaata Sinnisoqarfiini, Kalaallit peqqissartut illuanni aamma Kalaallit Nunaata avataani atorfillit ilaangillat.

Akissarsiat naatsorsuutini postinut aallanut nuunneqarsimasinnaapput kisianni aningaasarsianut sulianut ilanngunneqarsimanatik.

Inatsisartut, Naalakkersuisut aamma Kommunalbestyrelsinut akissarsisitsisarnertit allanullu akissarsisitsisarnertit ajunngitsorsiallu ilaangillat.

Aningaasarsiat allanngortinneqarnerisa kingunerisaannik kingumoortumik iluarsisutit, akissarsisitsisarnertit ilaapput. Aningaasarsianut iluarsisutit akunnerit suliffiusut sunnersimangimassuk ilanngunneqanngillat.

Akissarsisitsisarnerni aningaasarsiat sukumiinerupput naatsorsuutini suliarineqarnerinut sanilliullugit. Aningaasarsiat tassani itisilerneqarput. Taamaasilluni ajunngitsorsiasat, isumaginninnermit pissarsiat, Danmarkimi

aningaasarsiat il.il. peerneqarsinnaalerlutik, naatsorsuutini peerneqarsinnaanngitsut.

Naatsorsuinerit

Pisorta qarfinni atorfillit pillugit naatsorsuutit atorfinni suliat suunerinut immikkoortillugit suliarineqarput pisorta qarfinni ingerlatsinermi aamma nuna tamakkerlugu naatsorsuutininut atungassianngorlugit. Pisorta qarfinni atorfillit pillugit naatsorsuutit *Classification of the Functions of Government* (COFOG) atorlugu suliarineqarput.

COFOG-imik immikkoortiterineq, pisortat aningaasaqarneranni aamma nuna tamakkerlugu naatsorsuutini immikkoortitereriaaseq atorlugu suliarineqarput.

Akissarsititsisarnermut akissarsianut nalunaarsuutini immikkoortiterineq atorneqarpoq.

Pisorta qarfinnut naatsorsuutini atorneqartartumi agguaassisarneq malillugu sulisut agguaanneqarput, taamaasilluni sulisunik agguaassineq nunap karsiata naatsorsuutaani kommunillu kontoini akuerisani agguaasseriaaseq malillugu ingerlanneqarluni.

Akissarsianut nalunaarsuutini isumaqatigiissutit agguaanneqarnerit malillugit sulisut isumaqatigiissutinut marlunnik kisitsisitalinnut agguaallugit immikkoortiterneqarput.

Piffissaq tamakkerlugu sulisartunut atorfilinnullu naatsorsuinerimut periaaseq

Piffissaq tamakkerlugu sulisartut amerlassusaat (ukiumut nalunaarsuutit nalingi) piffissamut akissarsiffiusumi suliffissatut isumaqatigiissuteqarfigineqarsimasumut (qaammammusalinnut piffissaq akissarsiffik qaammammik ataatsimik naleqarpoq akunnermusialinnullu ullunik 14-inik naleqarluni) naleqqiullugit naatsorsorneqarput, qaammammusalinnullu sulinngiffeqarnerit ilanngunneqarlutik.

Sapaatip akunneranut piffissaq suliffiusoq akunnernik 40-nik sivissuseqarpoq. Qaammammusalinnut ukiumut akunnernik 2.080-inik sivissuseqarluni. Akunnermusialinnut ukiumut akunnernik 1.880-inik sivissuseqarpoq (sulinngiffeqarluni akunnerit ilanngaatigereerlugit, akunnermusiallit ferieqarnerisuteqarmata).

Sulisoq piffissamit suliffissatut isumaqatigiissuteqarfigineqarsimasumit amerlanerusunik ikinnerusunilluunniit akunnernik suliffeqarsimasinnaavoq. Taamaattoqartillugu sulisut ataatsimik amerlanerusumik ikinnerusumilluunniit piffissaq tamakkerlugu sulisimasutut naatsorsorneqarput.

Akunnerit amerlassusaannut periaatsimi piffissaq suliffiusussatut isumaqatigiissuteqarfigineqarsimasooq malinneqarpoq. Qaammammusalinnut qaammammut akunnerit 173,33-upput piffissap ilaannaanut sulisartunut naqqinneqartartoq. Akunnermusialinnut ullunut 14-inut akunnerit

amerlassusaat tassaallutik akissarsiat assigiinngitsut iluanni akunnerit katinnerat piffissami akunnermut suliffiusunut katillugit kisinneqarsinnaasut.

Sulisut amerlassusaat ukiumi kisitsiviusumi sulisimasut amerlassusaattut naatsorsorneqarput.

Piffissami akissarsititsiffiusimasut akunnernut kisinneqarsimanngitsut kisitsinermi ilanngunneqanngillat.

Suliffinnut sulisunullu killiliineq

Pisortani akissarsialerivit naatsorsuutini najoqqutarineqartoq tunngaviusumik pisortat suliffeqarfiutaanni tamani akissarsiat nalunaarsuutaannik imaqarpoq. Suliffeqarfilli aammalu ingerlatseqatigiilluni suliffeqarfinnut assingusut ataasiakkaat ilaangillat.

Suliffeqarfiit naatsorsuutini ilanngunneqanngitsut ataani allassimapput.

Suliffeqarfiit naatsorsuutini amigaataasut ilanngunneqanngitsulluunniit:

- Pisortani atorfillit nunani allaniittut.
- Pisortat ingerlatseqatigiiffittut ingerlataat (Asiaq, KNR, Mittarfeqarfiit aamma Nukissiorfiit).
- Naalagaaffimmi atorfillit (akunnermusiallit ilanngullugit) (Issittumi Sakkutooqarfik, Kalaallit Nunaanni Pinerluttunik Isumaginnittut, Politi, Kalaallit Nunaanni Eqqartuussiviit, Kalaallit Nunaanni Naalagaaffiup Sinniisoqarfia assigisaallu).
- Suliffeqarfiit imminnut ingerlatittut ilaat (Namminersorlutik Oqartussanit/kommuninit tapiiffiqineqartartut).
- Piginneqatigiiffiit Namminersorlutik Oqartussanit pigineqartut.

Pisortani atorfillit kisitsisitigut paasissutissaanni killiliineq

Piffissaq nalunaarsuinermi atorneqartoq tassaavoq piffissaq akissarsiaqartitsiviusoq.

- Pisortanit nuunneqarsimasut allat akissarsianeersuunngitsut ilanngunneqanngillat (soorlu isumaginninnermi ikiorsiissutit, soraarnerussutisiat assigisaalluunniit ilaangillat).
- Sulianut akissarsiat ilanngunneqanngillat (soorlu ataasiaannartumik akissarsiat, siulittaasut akissarsiaat, qatserisartut akissarsiaat, kommunalbestyrelsit akissarsiaat, suliunnaarnersiutit assigisaalluunniit ilanngillat).
- Politikerit akissarsiaat akunnerit suliffissatut isumaqatigiiffiqineqarsimasut malillugit akissarsiatut isigineqanngillat. Taamaattumik politicianerit akissarsiaat pisortani akissarsiani allani akunnernullu taakkununga taamaallaat ilaapput.

- Atorfillit ukiup ataatsip ingerlanerani akunnernit marlunnit sivikinnerusumit sulisimasut (ukiumut naatsorsuutini nalinga 0,001) ilanngunneqanngillat.

Taaguutit nassuiaataat

Suliaqarfik: Taaguut taanna *Namminersorlutik Oqartussani* imaluunniit *kommunini* atorfeqarnermi suliaqarfinnut taaguutaavoq.

Piffissaq tamakkerlugu sulisut: Sulisup piffissaq suliffigisimasaa ukiup ingerlanerani akunnernut suliffissatut isumaqatigiissuteqarfigineqarsimasunut agguarlugu (ukiumut nalunaarsuutit nalingi).

Atorfillit amerlassusaat: Ukiumi ataatsimi sulisut amerlassusaat. Ukiup ataatsip ingerlanerani sulisoq ataaseq arlaleriarluni nalunaarsorsimasinnaavoq, suliffinni assigiinngitsuni arlalinni sulisimappat, ataatsimullu kisitsinermi sulisoq ataasiaannarluni nalunaarsorneqassaaq.

Suliaqarfik malillugu agguataarineq: Pisorta qarfinni atorfillit pillugit naatsorsuutit *Classification of the Functions of Government* (COFOG) atorlugu suliarineqarput. Annertunerusumik nassuiaat pisortat aningaasaataat pillugit kisitsisitigut paasissutissani takuneqarsinnaavoq.

Akissarsititsisarneq: taaguut sulisut qaammammusiallit akunnermusiallillu immikkoortinneqarnerinut atorneqarpoq

Pisortat naatsorsuutaanni agguataarineq (Naatsorsuutit agguataarnerat): Agguataarineq *Namminersorlutik Oqartussat* kommunillu naatsorsuiffigisartagaat malillugit suliarineqarput.

Isumaqatigiissutinut agguanneqarneq: Pisortani atorfillit akissarsialerivimmi isumaqatigiissutinut taasanut agguaaassimapput, isumaqatigiissutillu taakku isumaqatigiissutinut assigiinngitsunut agguataagaapput.

Immikkoortorta qarfiit: Sulisut immikkoortorta qarfimmut atassuserneqarsimapput. Sulisut immikkoortorta qarfiit malillugit agguaaneri akissarsialerivimmi sumiiffinni nalunaarsorsimani malillugit naatsorsorneqarput inunnullu nalunaarsuisarfik malillugu naatsorsugaanatik.

Najoqqutani kukkunerit

Piffissaq tamakkerlugu sulinermit akunnerit atorneqartut amerlassusaat: Akissarsianut nalunaarsuutini sulisimaneq akunnernut nalunaarsugaanngilaq, akunnernilli amerlassusiiniarneq anguniarlugu aaqqiisoqarpoq. Qaammammusiallinnut atorfinitsitsisarneq tamatigut qaammammik ataatsimik sivilisussuseqartarpoq, qaammatip ingerlanerani amerlavallaanngitsut suliffimmik aallartitsillutillu unitsitsisarluartut.

Akunermusialinnut ullunut 14-inut akunnerit amerlassusaat tassaallutik akissarsiat assigiinngitsut iluanni akunnerit katinnerat piffissami akunnermut suliffiusunut katillugit kisinneqarsinnaasut. Taamaattoq akunnernik katersisoqarsinnaavoq piffissami katersiviusumi akissarsiani ilanngunneqanngitsunik, akissarsianili tunngaviusuni akunninngorlugit ilanngunneqarsinnaanngitsunik.

Ilisamaatinut nassuiaatit
... Paasissutissat pigineqanngillat
.. Paasissutissat tatiginanngitsut ilisarinnilersitsisinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffiginniffissaq
Gorm N. Pedersen
E-mail: gnpe@stat.gl

Pisortat aningaasaqarnerat

Kalaallit Nunaanni Naatsorsueqqissaartarfik
Postboks 1025 · 3900 Nuuk
Oqar.: +299 34 57 70
www.stat.gl · e-mail: stat@stat.gl

